




聖濟總錄

三十八

內閣文庫	
番號	漢 12609
冊數	200 (43)
函號	300 212



大學東
校典籍
局之印



大德重校聖濟總錄卷第三十八

霍亂門

霍亂吐利

霍亂嘔吐不止

霍亂四逆

霍亂欲死

霍亂心腹痛

霍亂心腹築悸

霍亂心腹脹



[Faint bleed-through text from the reverse side of the page, including characters like 霍亂吐利, 霍亂, and 吐利.]

霍亂統論

論曰三焦者水穀之道路氣之所終始也因風冷或飲食傷胃致中焦不和則正氣不守而邪得以干揮霍之間便致撩亂故名霍亂蓋清濁相干於腸胃之間心痛則吐腹痛則利甚者吐利俱發其不吐不利俗謂之乾霍亂亦以冷氣暴爭於中而不得出也然脉必代者以氣不足也脉大能言者為可治若其脉微氣劣而不欲言者為難治

霍亂吐利

論曰霍亂吐利者以三焦氣不升降而清濁相干於腸

胃間若先心痛則吐先腹痛則利心腹並痛則吐利俱發治此者當以中焦為本中焦既和則清濁自分而吐利正矣

治霍亂吐利不止藿香湯方

藿香去梗半兩

白芷

縮沙去皮各兩

丁香壹分

右四味麤擣篩每服二錢七水一中盞煎至六分去

滓熱呷不計時候

治霍亂吐利不止正胃湯方

枇杷葉拭去毛炙

桂去麤皮

厚朴去麤皮薑汁炙

陳橘皮去白焙各半兩

右四味擣羅為麤末每服二錢七水一盞入生薑三

片煎至六分去滓熱服不計時候

治霍亂吐利白朮湯方

白朮參兩

甘草炙

附子炮裂去皮臍

人參各壹兩

桂去麤皮

當歸切焙

陳橘皮去白焙各貳兩

右七味剉如麻豆每服五錢七煮小麥汁一盞半入

竹葉一握生薑半分拍碎煎至八分去滓溫服日三

治霍亂吐利陳橘皮湯方

陳橘皮去白焙 甘草炙 白木參

右三味麤擣篩每服五錢匕水一盞半入竹葉十片

生薑半分小麥汁半盞煎至八分去滓溫服日三

治霍亂大豆飲方

大豆 香薷 蘆根

枇杷葉拭去毛炙 竹筴 前胡去蘆頭

陳橘皮去白

右七味等分咬咀每服五錢匕以水一盞半入生薑

一分切煎取一盞去滓溫服

治霍亂吐利不止理中湯方

人參 白木各參 甘草炙

乾薑炮各

右四味麤擣篩每服五錢匕以水一盞半煎取一盞

去滓溫服若胸滿腹痛吐下者加當歸二兩切焙厚

朴二兩去麤皮薑汁炙透

治霍亂吐下虛冷厥逆腹痛乾嘔四順湯方

乾薑炮 甘草炙 人參各貳

附子壹枚炮裂去皮臍

右四味剉如麻豆每服五錢匕以水一盞半煎取一

盞去滓溫服一方下甚加龍骨二兩腹痛不止加當

歸二兩切焙

治霍亂吐瀉不止菖蒲飲方

菖蒲切焙

高良薑

青橘皮去白焙

白朮

甘草炙各半兩

右五味搗為麤末每服三錢匕以水一盞煎十數沸

傾出放溫頓服

治冷熱不調霍亂吐瀉香薷丸方

香薷壹兩

白扁豆炒

木香各壹兩

丁香皮貳兩

藿香去梗

零陵香各半兩

益智人壹分

右七味搗羅為末麪糊和丸如梧桐子大每服二十

丸食前溫紫蘇湯下

治霍亂吐下人參湯方

人參

乾薑炮

陳橘皮去白焙

桂去麤皮各壹兩

甘草炙半兩

右五味搗篩每服三錢匕水二盞入棗三枚擘煎

取一盞去滓熱服連進三服立止

治霍亂不止丁香散方

丁香

木香

肉豆蔻去殼各壹兩

右三味搗羅為細散每服二錢匕白粥飲調下熱服

治霍亂吐逆腹痛或便利數多冷熱不調訶梨勒丸方

訶梨勒皮微炒 陳橘皮去白焙 乾生薑切參

甘草炙半

右四味搗羅為末鍊蜜丸如梧桐子大每服二十九

煎生薑米飲下不計時候

治飲食過多當風履濕薄衣露坐或夜卧失覆霍亂吐

利人參丸方

人參 高良薑炮各壹兩

右二味搗羅為末鍊蜜和丸如彈子大每服一九溫

米飲嚼下不計時候

治霍亂吐利不止正元湯方

枇杷葉拭去毛炙 桂皮去 厚朴去蟲皮

陳橘皮去白焙

右四味麤搗篩每服三錢匕水一盞入生薑三片煎

至六分去滓熱服不以時候

治霍亂吐瀉四肢厥冷香薷飲方

香薷去梗貳兩 草烏頭浸切去皮臍暴乾貳兩入

去鹽 藿香去梗焙 黃連去須以吳茱萸

不用 黃連去茱萸

右四味搗羅為麤末每服三錢匕以水二盞酒半盞

同煎至一盞去滓新汲水沉極冷頓服相次四肢暖吐瀉定病輕每服一二錢七

治霍亂吐逆不定手足厥冷面青諸藥不効青金散方

硫黃壹兩鎔作汁 水銀壹兩隨硫黃汁結作沙子

右二味研為散每服二錢七冷木瓜湯調下冷米飲亦得

治霍亂吐瀉冷熱不調和氣煮散方

胡椒 菘豆各壹兩 人參壹分

右三味生搗羅為散每服三錢七水一盞同煎五六沸去滓熱服

治食飲過傷霍亂吐瀉丁香丸方

丁香 白朮 縮沙人

木香 肉豆蔻去皮 乾薑炮

桂去麤皮 陳橘皮去白焙 枳殼去麤炒

紅豆蔻去皮各半兩

右一十味搗羅為末鍊蜜和丸如梧桐子大每服二十丸煎生薑木瓜湯嚼下

治霍亂吐利心腹疼痛氣逆手足冷乾薑湯方

乾薑炮 甘草炙 桂去麤皮

附子炮裂去皮臍 草豆蔻去皮 肉豆蔻去殼麩

木香

高良薑炒

乾木瓜各半

右九味剉如麻豆每服三錢七水一盞煎至七分去

滓溫服

霍亂嘔吐不止

論曰霍亂嘔吐不止者胃氣逆故也胃氣逆則氣上而不下故嘔吐不止也若上下升降陰陽和平而吐自止矣

治霍亂吐逆不定手足厥冷面青不樂青金散方

硫黃壹兩盞子內銹作汁水銀壹兩貳味結作沙子

右二味為細散每服一錢七冷木瓜湯調下冷米飲

亦得

治霍亂定嘔逆止心腹刺痛進飲食化痰益氣人參藿

香湯方

藿香葉

厚朴去麩皮薑汁炙各貳兩

人參

白茯苓去黑皮

乾薑炮

青橘皮

湯浸去白焙

枇杷葉拭去毛

半夏

為末生薑汁和作餅子暴

乾各壹兩

甘草炙參分

丁香兩半

草豆蔻

去皮陸枚

右一十一味麤擣篩每服三錢匕水一盞生薑三片

煎至七分去滓熱服不拘時

治霍亂心腹痛嘔吐不止吳茱萸湯方

吳茱萸湯浸焙炒 乾薑炮各壹兩 甘草炙壹兩半

右三味麤搗篩每服三錢匕水一盞煎至七分去滓

溫服不拘時

治霍亂吐逆不止煩悶香薷湯方

香薷經霜後收陰乾壹斤 厚朴去麤皮薑汁炙 菡豆各半斤

右三味麤搗篩每服五錢匕水一盞酒半盞同煎至

一盞去滓放冷併二服未効再服

治下虛陰陽錯逆霍亂吐逆粥食不下正氣丹方

硫黃蓋內銘成汁參分 半夏為末薑汁作餅暴乾 藿香葉各壹兩

水銀入硫黃汁內結沙壹分 附子炮裂去皮臍半兩

右五味為細末酒煮麩糊丸如梧桐子大以丹砂為

衣每服二十九至三十九米飲下不拘時

治霍亂嘔吐不止冰壺湯方

高良薑生剉

右一味麤搗篩每服三錢匕水一盞棗一枚去核煎

至五分去滓用水沉冷頓服立定

治冷熱氣不調霍亂吐逆不定腹脇脹滿高良薑湯方

高良薑 桂去麤皮 人參各壹兩

甘草炙半兩

右四味麤搗篩每服三錢匕水一盞棗一枚去核煎至七分去滓溫服不拘時

治霍亂嘔吐不思飲食厚朴湯方

厚朴去麤皮薑汁炙人參各壹兩白朮各壹兩

半夏為末生薑汁調作餅暴乾陳橘皮湯浸去白焙各壹兩

右五味麤搗篩每服三錢匕水一盞生薑三片棗一枚去核煎至七分去滓溫服不拘時

治一切霍亂嘔逆手足厥冷返竟湯方

鹽壹分生薑洗切壹兩

右二味用童子小便一椀半煎取一椀去滓分溫三

服

治脾藏有積霍亂吐逆乾薑散方

乾薑炮訶梨勒去核白礬燒汁盡

丁香各半兩甘草各半兩

右五味為細散每服一錢匕飯飲調下不拘時

治霍亂下焦熱氣逆上嘔吐不止名曰走哺人參湯方

人參 梔子人 萎蕤

黃芩去黑心知母各壹兩白茯苓去黑皮

白朮 陳橘皮湯浸去白焙各壹兩

石膏碎壹兩

右九味麤搗篩每服三錢匕生薑三片水一盞煎至七分去滓溫服日三

治霍亂走哺嘔吐不止或噎塞心熱滿悶香豉湯方

豉炒貳兩 生乾地黄洗切倍壹兩

白朮貳兩 甘草炙壹兩 石膏碎參兩

白茯苓去皮壹兩半

右六味麤搗篩每服五錢匕水一盞半竹葉十片葱白二寸煎至一盞去滓溫服日三

治霍亂走哺嘔吐不止噎塞滿悶芒消湯方

芒消別研 生乾地黄洗切倍 白朮

甘草炙各壹兩 豉炒 白茯苓去黑皮各壹兩半

石膏碎貳兩

右七味麤搗篩每服五錢匕水一盞半竹葉十片葱白二寸煎至一盞去滓溫服日三

治霍亂吐嘔四汁煎方

生藕汁 生葛汁 木瓜汁各壹合

生薑汁合

右四味銀器中慢火熬如飴每服兩匙頭許含化徐

徐燕津

治嘔吐煩悶及霍亂雞子湯方

人參壹兩

右一味麤搗篩用水三盞煎至一盞半去滓重煎令

沸投入雞子白一枚打轉掠去沫頓服

治冷熱不調霍亂吐利宿食不消理中丸方

人參

白朮

高良薑各捌兩

乾薑炮

桂去麤皮各陸兩

右五味搗羅為末鍊蜜和丸如梧桐子大每服二十

丸空心米飲下日再

治霍亂吐逆開胃和氣藿香散方

藿香葉焙壹兩

訶梨勒皮焙拾枚 人參

丁香各半兩

糯米參佰粒

石蓮心貳佰枚

甘草炙捌分

右七味搗羅為散每服二錢匕煨和皮生薑一塊棗

兩枚同煎濃湯調下食前空心

治脾胃虛冷嘔逆霍亂瀉痢脹滿訶梨勒丸方

訶梨勒皮

五倍子

黃連去須

鍾乳粉

白礬熬令汁枯各肆兩

縮沙蜜去皮

厚朴去麤皮生薑汁炙

當歸切

酸石榴皮炒

胡椒

樗根皮剉各貳兩半

乾薑炮壹兩半

乾木瓜剉

烏梅肉炒

橡實微炒各伍兩

肉豆蔻

煨去殼 伍枚

陳橘皮

湯浸去白 焙貳兩

右一十七味搗羅為末醋并艾葉汁煮麩糊和丸梧

桐子大每服五十丸棗湯下空心食前日二服

治冷熱不調霍亂吐利宿食不消五味理中丸方

甘草

炙

人參

桂

去麩皮

乾薑

炮

高良薑

炮

右五味各等分搗羅為末鍊蜜和丸如梧桐子大每

服三十九丸溫酒下空心食前日再服

霍亂四逆

論曰四肢為諸陽之本陽氣之所通也霍亂吐利陽氣

暴厥故四肢逆冷而脉微欲絕也古法治四逆專於通

脉蓋榮衛行流氣道升降則手足自和逆者順矣

治霍亂多寒手足冷厥脉絕四逆茱萸湯方

吳茱萸

洗炒 肆兩

當歸

切

桂

去麩皮

芍藥

各參 兩

細辛

去苗 葉

木通

剉

甘草

炙各 貳兩

右七味麤搗篩每服五錢匕生薑一棗大拍碎棗三

枚擘破水一盞酒半盞煎至八分去滓溫服

治霍亂嘔逆四肢厥冷煩悶流汗飲食不化心腹虛滿

拘急短氣理中湯方

麥門冬

去心焙陸兩

人參

白朮

各伍兩

乾薑

炮陸兩

甘草

炙伍兩

附子

炮裂去皮臍

白茯苓

去黑皮各參兩

右七味剉如麻豆每服三錢匕水一盞煎至五分去

滓溫服

治霍亂四逆吐下煩嘔轉筋肉冷汗出體痺氣急垂死

音聲不出脉不通者附子湯方

附子

炮裂去皮臍

人參

厚朴

去麩皮生薑汁塗炙乾

白茯苓

去黑皮

甘草

陳橘皮

去白炒

當歸

切

葛根

桂

去麩皮

乾薑

炮壹兩

右一十味剉如麻豆每服五錢匕水一盞半煎至八

分去滓溫服隨藥吐者更服勿止

治霍亂脉微欲絕或惡寒四肢拘急手足厥逆或吐利

已定汗出而厥四逆不解通脉四逆湯方

甘草

炙貳兩

附子

炮裂去皮臍貳枚

乾薑

炮參兩

右三味剉如麻豆每服五錢匕水一盞半煎至八分

去滓溫服脉出即愈面色赤者加葱白二莖同煎腹

痛去葱白加芍藥二兩嘔加生薑一分切同煎咽痛

去芍藥加桔梗并人參二兩以吐利止為度

治霍亂吐利手足逆冷龍骨湯方

龍骨白者碎 附子炮裂去皮 乾薑炮

甘草炙 人參各壹兩

右五味剉如麻豆每服三錢匕水一盞煎至七分去

滓溫服

治霍亂吐利已定汗出厥冷四肢拘急腹中痛不解脉

欲絕桔梗湯方

桔梗剉炒 甘草炙 附子炮裂去皮

乾薑炮

右四味剉如麻豆每服三錢匕水一盞煎至七分去

滓溫服

治霍亂吐下虛冷厥逆乾薑湯方

乾薑炮 人參各貳兩

附子炮裂去皮

右四味咬咀如麻豆每服六錢匕水二盞煎至一盞

去滓溫服下甚者加龍骨搗研二兩腹痛不止加當

歸二兩切焙

霍亂欲死

論曰霍亂欲死者真氣厥而邪氣盛也或邪氣暴爭而未得吐利或吐利雖極而邪氣猶勝故真氣為之困乏

其證煩悶痞滿四逆自汗脉微若絕者是也此由陰陽
痞隔不得升降內經所謂出入廢則神機化滅升降息
則氣立孤危

治霍亂吐利已止汗出而厥四肢拘急不解脉微欲絕
通脉四逆湯方

附子炮裂去皮 甘草炙壹兩半 乾薑炮參

右三味剉如麻豆每服三錢匕水一盞半煎至一盞
去滓溫服脉出即愈若面色赤者每服加葱白三寸
腹中痛者每料加芍藥二兩仍去葱白嘔逆者每服
加生薑五片咽痛者去芍藥加桔梗一兩利止脉不

出者去桔梗加人參二兩皆與方相應乃服之中景用通

脉四逆加猪膽汁湯

治霍亂吐利煩嘔轉筋肉冷汗出手足指腫喘息垂死
証音不出脉不通人參湯方

人參 附子炮裂去皮臍 厚朴去麤皮生薑汁炙

白茯苓去黑皮 甘草炙 陳橘皮湯浸去白焙

當歸切焙 葛根剉 乾薑炮

桂去麤皮各貳兩

右一十味剉如麻豆每服三錢匕水一盞煎至七分
去滓溫服不拘時

治霍亂吐利不止腹痛轉筋煩悶欲死赤茯苓湯方

赤茯苓去黑皮 五味子二錢 藿香葉各半兩

黃耆剉 當歸切 白朮炒各壹分

乾木瓜 人參各壹兩

右八味麤搗篩每服三錢七水一盞煎至七分去滓
溫服不拘時

治霍亂不吐不利氣脹滿悶欲絕者阿魏丸方

阿魏研 青橘皮湯浸去白焙各壹分

酸石榴皮 五味子各半兩 陳麴炒壹兩

右五味先搗後四味細羅為末與阿魏同研令勻用

糯米糊丸如梧桐子大每服二十九溫熱水下如脚

轉筋絕甚者研開溫熱水調下

治霍亂吐不止欲死生薑散方

生薑貳兩切焙 陳橘皮湯浸去白焙 乾木瓜各壹兩

右三味搗羅為散每服二錢七溫水調下連三五服

治飲食傷飽取涼過度霍亂脹悶欲死上下不通雄雀

糞散方

雄雀糞貳拾壹粒炒

右一味研細用煖酒半盞調服未効再服

治霍亂多寒手足厥冷脉絕吳茱萸湯方

吳茱萸

半升洗

當歸

切

桂

去麤皮

芍藥

各參分

細辛

去苗

木通

剉

甘草

各半兩

右七味咬咀如麻豆大每服五錢匕水一盞酒半盞入生薑一棗大拍碎棗三枚擘煎至一盞去滓溫服如氣痞加葛根半兩去棗

霍亂心腹痛

論曰霍亂者由脾胃虛弱客風冷之氣陰陽不和致水穀相并清濁莫分變亂於腸胃之間令人心胸煩懊悶亂不安因名霍亂然邪氣上干於陽絡則心痛而嘔吐

下搏於陰經則腹痛而泄利故謂之霍亂心腹痛也治霍亂吐逆心腹疼痛或便利數多冷熱不調訶梨勒丸方

訶梨勒皮

炒

陳橘皮

湯浸去白焙各壹兩

生薑

切炒

甘草

炙半兩

右四味搗羅為末鍊蜜和丸如梧桐子大每服二十丸煎生薑米飲下不計時候

治霍亂吐瀉心腹疼痛理中丸方

高良薑

剉

白朮

各壹兩

桂

去麤皮

甘草

炙各半兩

右四味搗羅為末鍊蜜和丸如彈子大每服一九不計時候濃煎橘皮湯化下

治霍亂心腹痛煩嘔不止桂心湯方

桂去麤皮厚朴去麤皮塗生薑汁炙肆兩

枳實去穢炒伍兩

石三味麤搗篩每服三錢匕生薑二片水一盞煎至七分去滓溫服不拘時

治霍亂中冷心腹痛當歸湯方

當歸切焙桂去麤皮甘草炙各貳兩

右三味麤搗篩每服三錢匕水一盞煎至七分去滓

溫服不拘時

治霍亂吐下虛煩不止心腹絞痛溫中湯方

人參 乾薑炮 白朮

甘草炙 當歸切焙

右五味等分麤搗篩每服三錢匕水一盞煎至七分

去滓溫服不拘時

治霍亂心腹痛薺苳飲方

薺苳 厚朴去麤皮塗生薑汁炙剉

知母焙 栝樓實 枳殼去麤皮剉

葛根剉 犀角鎊 桔梗炒

陳橘皮去白切焙

白茯苓去黑皮

甘草炙

人參

藍實炒

黃芩去黑心各壹兩

右一十四味麤搗篩每服三錢七水一盞煎至七分

去滓溫服不拘時

治霍亂宿食不消心腹疔痛抵聖散方

厚朴去麤皮生薑汁塗炙肆兩

白朮貳兩

吳茱萸湯洗焙乾炒壹兩

高良薑半兩

人參

白茯苓去黑皮

甘草炙

木香

枳殼去麤皮炒

草豆蔻去皮

陳橘皮去白焙各壹兩

右一十一味搗羅為散每服二錢匕泔湯調下不拘時候

治霍亂心腹痛急如中惡菖蒲汁方

生菖蒲剉碎肆兩

右一味以水同搗絞取汁一盞分為四服每用熱湯

和溫服併三服

治霍亂心腹疔痛沉香丸方

沉香

丁香

犀角鎊

枳實去麤皮炒

肉豆蔻去殼

木香

蓬莪茂炮各半兩

胡椒壹分

檳榔剉肆枚

乳香

研各壹錢

沒藥

研各半兩

巴豆

去皮心研出油

右一十三味先搗前九味為末與巴豆沒藥乳香麝香和令勻糯米粥為丸如萊菔子大每服五丸用生薑橘皮煎湯下加至十丸

治霍亂吐下心腹痛乾嘔手足冷不止乾薑湯方

乾薑

炮

甘草

炙

人參

各壹兩

附子

炮裂去皮臍壹枚

右四味剉如麻豆每服三錢匕水一盞煎七分去滓溫服不拘時

治霍亂卒暴心腹痛備急丸方

乾薑

炮

大黃

炮各壹兩

巴豆

去皮心炒乾別研半兩

右三味搗羅二味為末與巴豆和勻麩糊為丸如菉豆大每服二丸橘皮湯下得利為効痛止勿服

治霍亂心腹痛煩不止或嘔厚朴湯方

厚朴

去麤皮生薑汁炙剉

桂

去麤皮

枳殼

去瓤炒各貳兩

芍藥

檳榔

剉各壹兩

右五味麝搗篩每服三錢匕水一盞入生薑五片煎取七分去滓溫服不拘時

治霍亂吐利不止心腹俱痛桃葉飲方

桃葉秋冬取枝

右一味搗碎以水五盞和絞取汁每溫服一盞不拘

時

治霍亂心腹冷痛嘔逆惡心大腸滑泄縮沙蜜散方

縮沙蜜去皮炒 陳麴炒

白木炒

乾薑炮 龍骨 赤石脂

豆吳茱萸湯浸 芎藭湯浸 芍藥

右九味等分搗羅為散每服二錢匕熱米飲調下不

拘時

治霍亂吐瀉不止心腹疴痛煩渴良薑散方

高良薑剉炒 蒼朮米泔浸壹宿剉炒 麥門冬去心

陳橘皮湯浸去白焙 肉豆蔻去殼 吳茱萸湯浸炒

人參 訶梨勒皮各參分

右八味搗羅為散每服二錢匕米飲調下不拘時服

霍亂心腹築悸

論曰腎水也脾土制之水乃下行今霍亂吐下脾胃既虛則土不能制水故腎氣上乘於心心氣乃築築然而悸動也

治霍亂吐下過多臍上築悸恐作奔豚理中去朮加桂

湯方

甘草 炙

人參

桂 去麤皮 各參兩

乾薑 炮 壹兩

右四味麤搗篩每服三錢匕水一盞煎至七分去滓

溫服不拘時

治霍亂心腹築悸附子湯方

附子

炮裂去皮 臍壹兩

白茯苓

去黑皮

人參

甘草

炙

乾薑

炮各 貳兩

右五味剉如麻豆每服三錢匕水一盞煎至七分去

滓溫服日三

治霍亂臍上築悸及四肢逆冷附子湯方

附子

炮裂去皮 臍半兩

半夏

生薑汁 製炒

甘草

炙各 壹兩

右三味剉如麻豆每服三錢匕水一盞棗一枚擘破

粳米一撮煎至七分去滓溫服日三

治霍亂洞泄不止臍上築悸乾薑湯方

乾薑

炮

人參

甘草

炙各 參兩

白茯苓

去黑皮

陳橘皮

湯浸去白 焙各肆兩

桂

去麤皮

黃耆

剉各 貳兩

右七味麤搗篩每服三錢匕水一盞煎至七分去滓

溫服日三

治霍亂臍上築悸平胃湯方

乾薑炮貳兩

附子炮裂去皮半兩 人參

甘草炙

白茯苓去黑皮各參兩

右五味剉如麻豆每服三錢匕水一盞煎至七分去

滓溫服日三

治霍亂心下築悸腎氣動茯苓湯方

白茯苓去黑皮

人參各參兩

甘草炙

白朮各貳兩

乾薑炮壹兩

右五味麤擣篩每服三錢匕水一盞煎至七分去滓

溫服日三

霍亂心腹脹

論曰霍亂心腹脹者陰陽氣不升降胃中虛客氣內實故脹而悶亂也挾穀不化內煩而嘔者降氣于下則病可愈

治霍亂心腹脹滿疼痛破氣消食高良薑湯方

高良薑剉

厚朴去麤皮塗生薑汁參度炙乾

陳橘皮湯浸去白焙乾

桑根白皮剉炒

甘草炙各貳兩

人參壹兩

木瓜去皮剉并子焙乾參兩

五味子煉貳兩

桂去麤皮

檳榔剉

訶梨勒皮

木香

肉豆蔻人各壹兩

鹽參升淘去泥淨鍊成鹽花研

右一十五味先搗前十四味細羅為末與鹽花末同研令勻以水五升下藥末一時入鍋中和鹽花同煎不住手攪候水泣出藥於盆中乾即貯之每服兩錢匕入生薑少許煎湯點服之

治霍亂心腹脹滿氣逆或內煩而嘔手足厥冷金針丸

方

陽起石煨研

不灰木研

阿魏研各半兩

巴豆

去皮心膜不去油貳拾伍粒

杏人

湯去皮尖及雙人研貳拾

伍枚

右五味搗羅為細末軟粟米餅丸如櫻桃大每服一

丸先穿一眼子欲服時燈上燒烟盡放冷為末生薑米飲調下以利為度

治霍亂一切冷氣宿食不消心肋脹痛胃冷嘔噦并諸痰飲鼈甲丸方

九肋鼈甲厚重綠色者一枚打鐵脚子格得鼈甲者平穩安於爐中下用麩炭火炙之取好米醋五大合少少傾於甲中旋以雞翎塗於甲內令勻炙盡米醋即得切不得令火猛及鼈甲背上色變炙了以薄醋刷洗打碎烈日中暴乾搗羅成粉取五兩入後藥

京三稜炮

附子

炮裂去皮臍各貳兩

白石脂

研

赤石脂

白龍骨

研各半兩

肉豆蔻人

兩壹

白豆蔻人

壹兩半如無以草豆蔻貳兩代之

木香

牛膝酒浸去苗焙

枳殼

去瓢麩炒

常歸

洗淨焙

白朮

桂

去麩

防風

去叉

陳橘皮

湯去白焙

芍藥

各壹兩

牛乳

壹升不得令有水

右一十九味除牛乳外搗羅為細末別取葦撥末一兩和牛乳慢火煎如飴與衆藥杵勻象手丸如梧桐子大霍亂甚者取五十九嚼破以人參橘皮湯下立

愈未全愈更服三十九

治卒霍亂吐瀉腹疔刺上吐下瀉香薷湯方

香薷

剉貳握

木瓜

去瓢子焙乾

荊芥穗

熟艾

各半兩

陳廩米

炒半合

黑豆

炒壹合

右六味麤搗篩每服五錢匕水一盞半煎至一盞去

滓溫服日三如人行三五里進一服

治霍亂吐瀉腹滿不消食心腹痛理中湯方

人參

乾薑

炮裂

白朮

甘草

炙各壹兩

右四味麤搗篩每服三錢匕水一盞煎至七分去滓

熱服

治霍亂脾胃氣攻腹脹滿不下食白朮湯方

白朮壹兩

枳殼去瓢麩炒壹兩壹分

白朮

右二味麤搗篩每服三錢匕入大棗三枚擘去核水

一盞煎至六分去滓空腹溫服早晨午時日晡各一

服

治霍亂嘔吐腹脇脹滿檳榔湯方

檳榔剉

陳橘皮湯去白焙乾

白茯苓去黑皮

防風去

人參

麥門冬去心焙

紫蘇莖葉二升草炙

訶梨勒煨黃去核各壹兩

右九味麤搗篩每服五錢匕入生薑一分拍碎陳米半合水兩盞煎至九分去滓溫服日三每嘔逆時相次熱服

治霍亂未得利腹脹疔刺嘔逆不已大腹湯方

大腹和皮用

厚朴去蟲皮生薑汁塗參度炙乾

防風去

半夏湯洗去滑焙乾各半兩

人參壹兩

右五味麤搗篩每服五錢匕木瓜三片小麥半合生薑一分拍碎水兩盞煎至一盞去滓溫服如吐時熱

服

治霍亂吐利腹脹厚朴湯方

厚朴

去蠶皮塗生薑汁一盞炙乾肆兩

枳殼

去蠶殼炒微黃壹兩半

右二味麤搗篩每服三錢匕生薑一分拍碎水一盞

煎至七分去滓溫服日三

治霍亂不得利氣急膨滿疔刺疼痛吳茱萸湯方

吳茱萸

淘炒半兩

草豆蔻人枚拾

甘草

炙壹分

乾木瓜

去皮剝并子焙參分

右四味麤搗篩每服五錢匕黑豆一百粒水一盞半

煎至一盞去滓熱服如人行五里再服

治冷熱氣不調霍亂吐逆不定腹脇脹悶高良薑煮散

方

高良薑

桂

去蠶皮壹兩

人參

參分

甘草

炙半兩

右四味搗羅為細散每服三錢匕水一盞入棗二枚

同煎至六分和水溫服不計時

治霍亂腹脹煩悶不止手足厥逆救命散方

地龍

自死者或踏死者焙乾

蛤粉

右二味等分搗羅為細散每服二錢匕蜜水調下

治霍亂心下堅滿妨悶半夏湯方

半夏

湯洗柒遍焙切參兩參分

人參

壹兩參分

白茯苓去黑皮

貳兩半

右三味剉如麻豆大每服五錢匕水一盞半入生薑

半分切煎至一盞去滓溫服如人行八九里再服

治霍亂下利氣脹飲食不消木香散方

木香剉 丁香剉 白木炒

菖蒲 山薑子 桂去麤皮

甘草炙 人參剉 吳茱萸洗淨炒

白豆蔻人 陳橘皮湯去白焙 肉豆蔻去皮炒

高良薑 草豆蔻去皮 右一十四味等分搗羅為細散每用四錢匕木瓜湯

調下

治霍亂不吐不利壅悶腹脹或疔痛桔梗散方

桔梗剉 桂去麤皮 檳榔剉

白木各參分 人參貳兩 青橘皮去白麤炒

大黃剉 木香各參分

右八味搗羅為細散以冷生薑湯調下三錢匕

治霍亂脾氣冷腹脹不能食胸膈氣痞厚朴丸方

厚朴去麤皮生薑汁炙參分 白木

人參 枳殼去麤皮炒 桂去麤皮

乾木瓜各半 乾薑炮 甘草炙

胡椒各書分

右九味擣羅為末鍊蜜和丸如梧桐子大每服二十丸煎蘭香湯下

常服開胃氣除寒濕不消食飽則服林氏式

大魚翅

木香各書


白朮各書

人參兩

桂枝兩

桂枝兩

常服開胃氣除寒濕不消食飽則服



大德重校聖濟總錄卷第三十八

